



In Religions vnd Gewissens Beschwerungen minutim zu erzehlen / ist fast vnmöglich vnd vn nötig / weil dieselbe allbereit (leyder) nur gar zu viel bewust / Land-Reichs-ja Weltkündig seyn. Allein summatim anzudeuten:

I.

Erstlich / so seynd denen Evangelischen Ständen / ihre mit gnädigster bewilligung Erzhertzogen Caroli zu Oesterreich / als ihres vorgewesten gnädigsten Herrens vnd Landsfürsten / lobseligster gedächtnus / gehabte vieler Hauptministeria, als zu Grätz / Judenburg / Elagenfurt / vnd Labbach:

II.

Ihrer Adelichen vnd anderer Jugend Gymnasia, oder wolbestelte Schulen / zu bemeltem Grätz / Elagenfurt vnd Labbach:

III.

Im Land Steyer allein / viel Pfarren vnd andere Kirchen / gewaltiger weis entzogen.

IV.

Vnd darunter viel erlaubte Kirchen mit Pulver zersprengt / vnd sonsten nidergerissen.

V.

Ihre reine Seelsorger vnd Prediger / bey straff Leibs vnd Lebens: in Steyer allein / vber hundert:

VI.

Vnd mehr Schuldiener / jämmerlichen verjagt.

VII.

Item vieler Evangelischer in Gott selig entschlaffener Christen sonderbare Freythöfen / Ringkmauren vnd Plancken / eingeworffen.

VIII.

Die in Gott ruhende Körper frommer Christen / den Säwen vnd Hunden auszuwülen vnd auszugraben / frey gemacht / Ja theils